

Universitätsbibliothek Paderborn

**Vita Venerabilis Arnesti, (vulgò Ernesti) Primi
Archiepiscopi Pragensis**

Balbín, Bohuslav

Pragæ, 1664

Arnestvs Archiepiscopus Diœcesanam Synodum celebrat; Statuta condit,
quorum maxima apud posteros Authoritas; quædam ex ijs recitantur.

Caput IV.

urn:nbn:de:hbz:466:1-42763

ARNESTVS Archiepiscopus Anno 1344.
 Diœcesanam Synodum celebrat; Sta-
 tuta condit, quorum maxima apud po-
 steros Authoritas; quædam ex ijs
 recitantur.

CAPUT IV.

Gloriam Laboris filia Veteres esse putaverunt: ego dicere Euripides in Heraclitus.
 non dubitem, ut ex labore gloriam, ita saepe ex filia rur-
 sus nasci parentem, & ex gloria ac dignitate provenire
 laborem. Errant profecto qui dignitatem assecuti, qui-
 escunt, quasi eam ipsam gloriam sine labore tueri, & servare pos-
 sint; sapienter enim dictum est: *Laus nisi nova oritur, etiam vetus*
amittitur. Quid Sole honoratus, qui perpetuo in motu & labo- P. Syrus in Mie-
re versatur? atque is tamen, si quietis amore labores abrumpe-
 ret, neque oriretur, procul dubio honores amitteret. Hoc exem-
 plo Archiepiscopus creatus *Arnestus*, nihil se ex nova dignitate
 percepisse aliud credit, quam laborem: *Synodum* (nam earum
 magna semper in Ecclesia utilitates fuerunt) nemo Clericorum
 in Bohemia vocatam, & coactam meminerat; huic tam utili o-
 peri, ante omnia, primam suam cogitationem *Arnestus* adjecit.
 Nescio quomodo, cum se, qui idem sentiunt, vident, animis con-
 firmantur; prudenterque animadvertisit *Tacitus*: Seiani artibus,
 Romanum Imperium labefactatum corruere cœpisse, cum milites
 (antè per Urbem sparsi) una in castra ante Romam sunt condu-
 cti, ut simul imperia acciperent, numerōg, & robore, & visu inter-

Multitudo i-
 dem sentien-
 tium animos
 addit.

Tacit. l. 4. An-
nat. vide qua
Lips. in l. 1.
Taciti Annal.
num. 130. an-
notavit de se-
ditione legionū
Fanonicarum.

se fiducia ipsis in certos metus daretur; dividi enim & separari debet, quod validum esse non velis. Idem in DEI & Divinæ gloriæ tuendæ causa solet accidere, ut unum in locum Ecclesiæ Custodes

M. S. Vita.

advocati, suā ipsi multitudine & numero fidentes, sustentent, au-

geant, animéntque virtutem. De hac *Synodo* pauca, & obscurè

vetus Scriptor: *recepto per Arnestum ab Apostolica sede sibi missi*

pallio, in quo nomen & plenitudo Archiepiscopalis dignitatis conficit;

Synodum ce- demum omnibus Iuribus & Canonibus præscriptis rationabilibus, atq;

lebrat Archi- pro lege habendis consuetudinibus recollectis, animadvertisens, (Arne-

episcopus stus) non debere reprehensibile judicari, si secundum varietatem tempo-

rum statuta varientur humana, videlicet Moguntina Ecclesiæ, que

quia ad suam provinciam per abusum quendam, propter inconvenien-

tiam, in disuetudinem venerunt, fructum nullum, aut modicum fa-

ciebant, nova & utilia Statuta edidit in Concilio Provinciali: verū

quia sicut prediximus, vir erat literatura, & prudentia eximia, in-

terferuit iisdem statutis de Iure Canonico multa utilia ad regendas &

gubernandas Parochias suas summè necessaria, cùm plerosq; a studijs

non voluntas prohibeat, sed paupertas. Edidit etiam pro Ecclesiæ sua

Pragensi, & alijs collegiatis Ecclesijs sua Diœcesis nova & utilia Statu-

ta, quæ omnia suis subditis per copiam tradidit futuris temporibus ha-

benda. Hac vetustus vitæ scriptor. Tria dicere voluit: abro-

gasse Arnestum Ecclesiæ Moguntinæ statuta, quod à moribus Bo-

hemorū aliena essent. Alterum: nova ipsum condidisse Statuta, qui-

bis Parochi regerentur; tandem Paupertati Ecclesiarum consu-

luisse, suóque ære comparâsse libros, atque Ecclesijs distribuisse.

Hagok A. 1304. Hoc ultimū de Arnesto cōfirmavit *Hagecius*; alebat, inquit, impensis

Eiusdem curæ maximis in bonum Ecclesiæ sua Scriptores, descriptosq; eleganter libris

pro sua Diœc. Missales, Chorales, aliosq; liberaliter in vulgus Sacerdotum spargebat.

De prioribus Dubravius Olomucensis Episcopus: Arnestus officio

suo optimè functus est, dum sedulò docet, aut sacerdotibus præscribit,

quemadmodum oporteat illos in Domo DEI versari cum timore &

disciplina, quibus neglectis doctores simulatq; discipulos cum ipsa reli-

gione penitus ruere.

Porro Arnesti Statuta ad nostram usque ætatem pervene-

runt,

Statuta con-

dit Arnestus.

L. 22. histor.

Bohem.

runt, multisque in Bibliothecis Bohemiæ visuntur; protulit ea in publicum, & vulgavit *Georgius Bertholdus Pragensis Ecclesiæ Propositus*, & Nuntio Apostolico ad Cæsarem Rudolfum *Ioanni Ferreiro Episcopo Vercellensi* sub hujus sæculi initium dedicavit. Gustum aliquem Lectori dare oportet & excerpere, ut Opus, quod in veneratione tot ætatibus fuit, noscatur. Ordinem, Scientiam, & Prudentiam qui, Jura intelligunt, maximè mirantur, ego exscribam paucula, quæ aliquid singulare continere, credebam.

Nullus in Ecclesia sua Peregrinum ad celebrationem admittat, nisi præter Formatas suas adhuc ostendat Diœcesani licentiam. Ex Statutu VEN. Arnifi.
Celebrent Episcopi Missarum solennia in suis Ecclesijs Cathedralibus, præsertim in Festivitatibus Domini, & Virginis gloriose, &c.
Statuimus, ut in sacristia Ecclesia Capitularis habeatur clara, ac fideliis conscriptio Præbendarum, officiorum, & ceterorum Ministeriorum, ac bonorum Ecclesie, omniumq[ue] reddituum, in quibus villis ex nomine, & in quibusq[ue] rebus consistent, &c. ut saltem novus Prætarius Canonicus, vel Minister per hujusmodi scripturam, de suis juribus & proventibus informatus, recuperare valeat per suum predecessorum desperita, vel neglecta. Similiter libri, ornatii, Calices, Celenodia, &c. registrentur, & saltem de anno in annum revideantur, &c.

Religiosi in Ecclesijs ad ipsos, etiam pleno jure spectantibus; Rectores sui Ordinis locare non audeant, quæ alias solite sunt per seculares Clericos gubernari.

Multis conatur persuadere, munditiam in rebus sacris esse servandam; nimis enim, ait, videtur absurdum in sacris fôrdes negligere, quæ dedecerent etiam in profanis.

Omnes novitates sint suspectæ, & propter hoc fugienda, maxime autem illæ, quæ SS. Patrum obviant institutis. Novitates omnes suspectæ.

Jubet Excommunicationis sententiam à jure prolatam à Diœcesanis publicari in eos, qui exigunt telonia ab Ecclesiasticis personis pro eorum rebus proprijs.

Irritat Statuta locorum quæ habent: quod nullus ultra cer-

O 3 tam

tam summam Ecclesijs vel Clericis donare seu legare audeat in ultima voluntate, cum iniuriam contineant, & testandi perimant libertatem.

Recitat Catalogum majorum per Bohemiam festorum, inter quae sunt: *Inventio, & Exaltatio S. Crucis, Maria Magdalene, Margareta, & Ludmilla.*

Statuit ibidem, ne Clerici de bonis per Ecclesiam acquisitis testari possint. Qua de re vide Notas.

Clericorum parsimonia. Clerici quando Convivia preparant (qua rara sint) sex cibarium, seu ferculorum numerum non excedant.

Multa contra Judæos decernit, ne ijs unquam serviant Christiani, ne ulli publico præficiantur officio; certumque eis pilei modum, ut discernantur, præscribit.

Prohibet item sub Excommunicatione: ne ullus Clericorum pro administratione Sacramentorum quoniamcunq; & aliarum rerum spiritualium, nec pro Baptismo, nec pro Extrema unctione, nec pro benedictione nubentium, nec pro Exequijs, seu sepultura mortuorum, ullum omnino pretium oblatum accipiat, sed contentus sit stabili per annum pensione; quod hodieque neri in plurimis Europæ provincijs bono more videmus.

Atrocissima verò sunt in hæresim edicta, & meritò: quia nihil eo scelere atrocius.

Illud notabile: Pœnarum loco ferè semper certam pecuniā, pro magnitudine criminis, in fabricam Metropolitana Ecclesia (qua tuum edificabatur) assignari.

Denique (ut aliquando finem faciam) omnia summa sapientiae authoritate constituta; Tituli ordine pulcherrimo sibi congruentes; magna ubique ex jure Canonico lux, ut si hæc Statuta sola servata fuissent, nunquam Bohemiam hæresis afflare potuisset. Vidisse imminentia Bohemæ mala sacrum Antistitem, multa ejus vaticinia ostendunt (qua adferam postea) sed in his ipsis Statutis id dissimulare non potuit, & in *Albicum, Conradum,*

Memorabilis Aliosque ejus farinæ Archiepiscopos, velut amentatas hastas contentia. Arnesti sententia. torsit: Non potest, ait, esse Pastoris excusatio, si lupus oves comedit, & Pa-

& Pastor nescit; quâ divinâ sententiâ statuta sua Præsul optimus clausit.

Luculentam verò ab his *Arnesti statutis* plagam hæreticos accepisse, ipsi qui sensere, ultro fatentur: *Stransky* sectâ *Piccardus*, in Repub: Boiem. C. 6. §. 6. *Quamvis*, inquit, *Monachi, Sacerdotésq; ex eorum* (id est Catholicorum) *grege, modis omnibus labo-*
rarunt, ut nulla alia, quam quæ cùm Romane Sedis decretis tota con-
grueret Religio, in Regno (Bohemiae) obtineret; ut tamen repurga-
ta, quam diximus pietatis (impietatis dicere debuerat) Exercitia
nusquam publica essent, efficere haud potuerunt. Multis demum, ac
longis sudoribus Carolo Rempublicam Boiemam regente, rem eò dedu-
xerunt, ut cum suo, tum confluentium ad recens Pragæ erētam stu-
diorum liberalium scholam universalem Zelotarum (ita Catholicos Statutis Ar-
nesti confixi
vocat) peregrinorum instinctu, omnes ab Ecclesiæ Romanae institutis suar hæretici
alienas Religiones, promulgatis quibusdam Statutis vetuerit primus in
Bohemia Archiepiscopus Ernestus. Ita ille; cui valdè à Statutis
Ernesti inflictum vulnus videtur doluisse.

Hæc *Arnesti Statuta* tantâ veneratione à Catholicis statim excepta sunt, ut eorum tria exemplaria quisque *Curatus* haberet: *primum* in omnibus Cathedralibus, & Collegiatis, & Parochiali- bus Ecclesijs in ingressu Templorum publico in loco affixum ca- tenulis pendebat; *alterum* in Sacrarijs sub sigillo; *tertium* domi- Parochus, & Curatus legebant; neque id solum, sed in ea Statuta In statuta Ar- nesti jurabant Canoni- ci.
 ab Archiepiscopis successoribus jurabatur; *nemo Canonorum* (ait Pontanus Ecclesiæ Pragensis Officialis & Præpositus) *ad stal- lum & Capitulum admittitur, quin prius super ea jurârit; quæ po-*

stea *Statuta Carolus IV.* aureâ Bullâ, suo & successorum

Bohemiae Regum nomine, confirma-
vit.

Notæ

Notæ in Caput IV.

A Rnesti Statuta. Edidit hæc Statuta proprijs impen-
sis A 1606. Georgius Bertholdus à Breitenberg S. Me-
trop: Eccl: Prag: Präpositus, Archiepiscopatus Officia-
lis, & Vicarius Generalis. Prefatio Pontani tota in eorum lande
consumitur; ait: digna esse tanto Präfule, quem vocat zelosum, &
Beatissimæ Virgini Matri MARIAE valde devotum Archiepisco-
pum. Aldit se Statuta illa ex tribus manuscriptis Exemplaribus ex-
scribi jussisse, ex quibus ultimum Pilsnae A. 1517 sit impressum. Lan-
dat eadem Statuta magnus omnino Präfus, & Clementi VIII. Pon-
fici Maximo charissimus (cui galerum purpureum Pontifex obtule-
rat, sed priusquam honor Pragam perveniret, in vita excessit) Zby-
gnai Ar-
chiepiscopi
Prag, de Ar-
nesti Statutis
sententia.

Jam qui, & quales fuerint eisdem temporibus hujus Regni
Clericorum mores, vita, ac disciplina, si nulla alia ex re cognosci
potest, facile ostenderent, quæ apud nos conservantur, Ernesti
I. Archiepiscopi Constitutiones. Ille enim ita plenè, atque ita cu-
mulate omnes Clericorum muneris partes complectuntur, & san-
ciunt, ut necesse sit, & qui tam egregias Constitutiones com-
plicerit, Antistitem valde egregium, & quibus ad observandum
propositæ fuerint, Clericos plusquam mediocri virtute præditos
fuisse.

*In Calend. hisp.
30. Iunij.* Landavit hæc quoq, Statuta, qsd mirere Hussita Lupacius:
Promulgavit, inquit, Ernestus Statuta, quæ Privilegia vocantur,
linguâ latinâ scripta, digna sanè quæ legantur, &c.

Clerici Bo-
hemia testari
possunt.

Nè Clerici testari possint. Id tamen postea revo-
catum, & concessa omnibus Clericis in Bohemia sub Ferdinando I.
Rege, & Antonio Archiepiscopo Pragensi testandi facultas; qua de-
re publi-




C.IV. ARN. ARCHIET. PROVINCIAL. STAT. 113
re Publica confecta instrumenta sunt in manibus, idq; ob eam causam,
ut Clerici tanto libenter Ecclesia Bohemica servirent, & invitarentur
ad eam, à qua tantum commodum perciperent, Ecclesiam, atq; his la-
boribus Religio in Bohemia, id temporis prostrata, resurgeret.

Explicat hæc omnia Synodus novissima sub Archiepiscopo
Zbygnæo Berka A. 1605. habita, titulo de Testamentis Clerico-
rum: Clerici omnes sacerdtales hujus Metropolis, & Archidioecesis
nostræ, etiam si beneficia Ecclesiastica, cuiusvis generis obtineant,
liberam quidem habent testandi facultatem ex privilegijs anti-
quissimis, & immemorabili consuetudine; sed de Bonis Ecclesiæ
nomine acquisitis, nullo modo testari, seu disponere poterunt.

Idem privilegium longè antè Arnestus ipse Clericis omnibus in ditioni-
bus Dominorum de Novadomo, Ecclesia servientibus contulit, ex-
tq; id privilegium ab Arnesto datum in Archivo Collegij Novod.
S. I. ut ipse vidi. Hoc postea aliqui Dominorum de Novadomo ab-
rogare voluerunt. D. Zacharias de Novadomo, uxoris piissima Ma-
trona Catharinæ (nisi fallor; non enim hæc, qua pridem legi, sunt ad
manum) de Waldstein precibus, cùm illa ante maritum pro Sacer-
dotibus genua flectendo orare soleret, commotus, privilegium restituit;
at illi vicissim ex gratitudine obligarunt se quotannis post S. Lucia
diem venturos omnes Novandomum, & triduo pro demortuis ani-
mabus, ex familia & cognatione Dominorum de Novadomo Funebria
sacra celebraturos, quod hodièq; magnâ Religione prestatur. Facit
hujus ultronei Contractus mentionem (præter manuscripta) Bartho-
laus Paprocky in speculo Moraviae, init. C. de Familia
Dominorum de Novadomo.

Privilegium
ab Arnesto
datum Cleri-
cis in ditione
ne Dominorum
de No-
vadomo.



P Vene-